

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „ Kapitalni transferi drugim nivoima vlasti – za zdravstvo“, broj: 02-11-4970/22 od 25.03.2022. godine, na prijedlog Ministarstva zdravstva, Vlada Zeničko-dobojskog kantona, na 163. sjednici, održanoj dana 14.07.2022. godine, d o n o s i

## **ODLUKU**

### **o odobravanju sredstava JU Dom zdravlja „Izudin Mulabećirović-Izo“ Tešanj za sufinansiranje građevinskih radova na objektu porodične medicine u mjesnoj zajednici Kalošević**

#### **Član 1. (Predmet)**

(1) Odobravaju se sredstva JU Dom zdravlja „Izudin Mulabećirović-Izo“ Tešanj u iznosu od 23.060,00 KM (slovima: dvadesettrihiljadešezdeset konvertibilnih maraka) za sufinansiranje građevinskih radova (zamjena krova, dogradnja predulaza i zatvaranje vanjskog stepeništa) na objektu porodične medicine u mjesnoj zajednici Kalošević.

(2) Obavezuje se JU Dom zdravlja „Izudin Mulabećirović-Izo“ Tešanj da provede postupak javne nabavke u skladu sa Zakonom o javnim nabavkama i podzakonskim aktima koji su doneseni u skladu sa zakonom.

(3) Ukoliko nakon provedenog postupka javne nabavke ugovoreni iznos bude veći od iznosa iz člana 1. stav (1), Ministarstvo zdravstva će finansirati iznos odobren Odlukom, a preostali iznos će finansirati JU Dom zdravlja „Izudin Mulabećirović-Izo“ Tešanj iz vlastitih sredstava. U slučaju da ugovoreni iznos bude manji, Ministarstvo zdravstva će finansirati iznos prema fakturi dobavljača.

#### **Član 2. (Analitička konta)**

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva iz člana 1. ove odluke će se transferisati na žiro-račun JU Dom zdravlja „Izudin Mulabećirović-Izo“ Tešanj broj: 134-656-1006764684 otvoren kod ASA banke, po okončanju postupka javne nabavke, na osnovu zaključenih ugovora o nabavci i fakture dobavljača.

#### **Član 3. (Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Dom zdravlja „Izudin Mulabećirović-Izo“ Tešanj, svako u okviru svoje nadležnosti.

#### **Član 4. (Izvještavanje)**

JU Dom zdravlja „Izudin Mulabećirović-Izo“ Tešanj je dužna izvijestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

**PREMIJER**

*Mirnes Bašić*

Broj: 02-11-11073/22

Datum, 14.07.2022. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x JU Dom zdravlja „Izudin Mulabećirović-Izo“ Tešanj,  
putem Ministarstva,

1x „Službene novine Zeničko-dobojskog kantona“,

1x a/a.